

Managing National Assessment Report

Te Kura Kaupapa Māori o Tupoho

Here-turi-koka 2024

FINDINGS OF THIS REVIEW

Te Kura Kaupapa Māori o Tupoho

29 o Here-turi-koka 2024

Kua mana te Whakaaetanga ki te Aromatawai

I teenei arotakenga kei te whakatutuki te kura i ngā hiahia o te *Whakaaetanga ki te Aromatawai i ngā paerewa e ai ki Ngā Ture kei te Papatohu Paerewa Aromatawai 2021*.

E ū ana Te Kura Kaupapa Māori o Tupoho ki ngā whakahaere aromatawai ā-motu. Kei a ia āna ake tukanga tātū me te whakaea i te nuinga o ngā take ka ara ake.


I runga anō i ngā kitenga o tēnei arotakenga pūnaha aromatawai mō te tohu mātauranga ā-motu, ka whakahaeretia anōtia tēnei arotakenga i roto i te toru ki te rima tau.

Hei mahi, hei whakaarotanga iho

Hei Mahi

E whakaae ana ngā pou o te kura ki ēnei awhina hei whakapakari ake i te kounga o ngā tukanga aromatawai mō te tohu mātauranga ā-motu.

| Hei mahi | Angawā |
|---|-------------|
| Arotake tarāwhare | |
| Kia whakaritea mai he tukanga kohi taunakitanga mō ngā Whiwhinga Tauawhi mā roto mai i te whakahaere aromatawai whakaharatau. | Kotahi tau. |



Amanda Picken
Manager
School Quality Assurance and Support

23 October 2024

NZQA

0800 697 296

www.nzqa.govt.nz

Arotake tarāwaho me te tarāwhare

Arotake tarāwaho

Kua tutuki ngā tono me ngā tūtohutanga i whakatakotohia ki te pūrongo o te tau 2016. (Aratohu CAAS 2.6iv, 3iv-3v)

Ngā mahi hei whakatutuki i Te Pūrongo Whakahaere Aromatawai ā-motu i tū i te 4 o Hongongoi 2017

Kua kitea he huarahi e te kura ki te whiriwhiri me pēhea te whakatutuki i ngā tukanga aromātairua tarāwaho. Kua waihangatia mai he pepa hei whakakī mā ngā kaiako e pai ai te urupare ki ngā aromātairua tarāwaho, me te aroturuki ki tōna otinga.

E mārama ana te kura he aha i mea nui ai ēnei tukanga me te hīkaka ki te whakatutuki haere. Mā ēnei tukanga e āta mōhio ai te hapori me NZQA, kua whāia e te kura ngā tukanga whakaū kounga mō ngā māka.

Urupare ki ngā putanga aromātairua tarāwaho me ngā tukanga I roto i ngā tau kua whai wāhi te kura ki te hōmiromiro ki āna pūnaha me ngā tukanga whakahaere. Ko te rautaki i whakaritea ake e te Kaitakawaenga ki te Tumuaki, ko te ara matahiko e pai ai te pupuri i ngā aromatawai ka oti i ngā kaiako.

Ko te tikanga o te aromātairua tarāwaho he tohu i te pakari o ngā tukanga aromātairua tarāwhare. Kei reira tonu ngā uauatanga o te kimi kaiaromātairua ki te hōmiromiro ki ngā mahi ā ngā kaiako heoi, e whakamātau tonu ana ngā kaiako i ētahi atu ara e kounga tonu ai ngā whakahokinga koorero a aua kaiaromātairua. Me mihi ka tika ki te kura mōna e whakapau kaha nei ki te whakapakari ake i ēnei tukanga a NZQA.

Arotake tarāwhare

Ko te kaupapa matua o Te Kura Kaupapa Māori o Tupoho, ko tōna Whanganuitanga, ko tōna Tupohotanga. He mea whakahāngai i ngā akoranga me ngā whakaakoranga ki Te Marautanga o te iwi, me ngā mātāpono o te kura.

Kei konei hoki ka kitea mai te whakawhenumitanga o ngā kaupapa ako kia noho ki raro i tētahi kaupapa motuhake e kounga ake ai te ako i tētahi kaupapa tēnā i te whakawehewehe ki ngā marau ake rerekē.

He tokoiti kei ngā akomanga, ā, mō Te Kura Kaupapa Māori o Tupoho he painga o roto i tēnei. Kua whai wāhi ngā kaiako ki te noho tahi, ki te wānanga tahi i ngā Mahere Rapuara a tēnā me tēnā ākonga.

Whiwhinga Tauawhi I roto i ngā arotakenga tarāwhare a te kura kua tātuhiā ētahi wāhanga hei tirotiro māna. Ko te whakahaere whakamātautau whakaharatau tērā. Kua kitea te mārama he aha i mea nui ai ēnei whakahaere mā ngā ākonga, inā rā ko te haumarutanga o te tamaiti te mātāmua. He nui ngā take ka ara ake i te wā o te whakamātautau. Me he take ā-kura, ā-hapori, ā-whānau, ā-tamaiti i te wā tonu o te whakamātautau, ko wai hoki ka mōhio. Ko te Whiwhinga Tauawhi te māka ka whakamahia mō aua kaupapa ohorere.

Te ū ki te wātaka Ka puta i a NZQA tētahi maramataka, ā, kei runga ngā wā me tutuki ai ētahi kaupapa, kei reira anō hoki ngā wā ka aukatihiā ētahi mea. Ko te mahi nui mā te kura he whiriwhiri i tāna ake wātaka e moata ake ai te whakatutuki i ētahi o

āna kaupapa e mātua rite ai mā te Kaitakawaenga ki te Tumuaki. Ki te ū ngā kaiako ki taua wātaka, kua kore i tūreiti rawa ka ekea ana te wā ki te tuku kia NZQA.

He Mahere Ako Ko tētahi o ngā whāinga a te kura, ko te tuku i ngā Mahere Ako i te tīmatanga tau me ngā kohinga kōrero NCEA. Mā konei e mōhio pai ai ngā ākonga me ngā whānau ki ngā kaupapa ako e tukuna atu ana e te kura, me ngā tikanga aromatawai hei whai. He mea nui kia mōhio ai ngā ākonga ki ngā ture NCEA me ngā kaupapa e tika ana kia āta mōhio ai rātou.

Te tautoko ake i ngā ākonga me ngā tikanga aromatawai

Te taunaki ake i ngā tikanga aromatawai me tana tautoko i ngā hiahia ā ngā ākonga. (CAAS Guidelines 2.5v-vii, 2.6i & ii and Assessment Rules for Schools, TEO's assessing Achievement Standards and Candidates 2023.)

Kua whai te kura ki te whakarite i āna tukanga Whakatūturu aromatawai. He mea haina e ngā ākonga e tohu ai nā rātou ngā mahi, kua whakamanatia rānei te hunga nā rātou ngā kōrero i roto i ngā mahi. Ka puritia ēnei pepa Whakatūturu ki te kōpaki kūkara. E whakapono ana ngā kaiako ka mārama ake te mōhiotia o tēnei mea te Taarua Whānako ki te hainahia te pepa whakatūrururu, kua kitea te pono me te tika i roto i ēnei momo whakahaeere.

Te tautoko ake i te reo Matatini me te Pāngarau E ai ki ngā raraunga kua hōmiromirotia e te kura, e kitea ana te ngoiketanga o ēnei whiwhinga mā ngā ākonga. Ko te mate nui e ai ki te kura ko te reo i whakamahia ki te whakaako i ngā kaupapa, ko te korenga hoki i whai kaiako pūmau e whai akoako kounga ai ngā ākonga. Ko te aronga a te kura i tēnei tau ko te hoki ki te whakaako i te Pāngarau, Taumata 1 i roto i te reo Māori me te whakapiki i ngā hāora ako i taua marau. Koinei ngā tino aronga. Ko te huarahi i tīpakoria hei whakatutuki i te taha ki te Tautokorua ko te Kete Manarua. E whakapono ana te kura koinei te huarahi pai kē atu mā ngā ākonga.

Ngā tikanga aromātairua tarāwhare hei whakaū huanga pono

Te taunaki ake ā ngā mahi aromātairua tarāwhare, tarāwaho hoki ki te whakaū aromatawai kounga. (CAAS Guidelines 2.6iii & vi, and NZQA Assessment Rules for Schools, TEO's assessing Achievement Standards and Candidates 2023.)

Kei te Kaitakawaenga ki te Tumuaki te mahi nui ki te hōmiromiro ki ngā mahi aromātairua i mua i tuku i ngā whiwhinga ki Te Mana Tohu Mātauranga. Mā konei e mōhio ai e kounga ana aua whiwhinga. Ka arohaehaetia ngā paerewa e ngā kaiako i mua i te whakaako, ka whakahoropakitia, ā, ka rapua he kaitirotiro anō. Koinei pea te wāhanga uua o te aromātairua tarāwhare. E kimi rautaki tonu ana te kura me pēhea e ea ai tēnei wāhanga.

Appendix 1: Tikanga Whai Hua

Tikanga whai hua hei whakatutuki i ngā hiahia o ngā ākonga

E taunga ana ngā pūnaha me ngā tukanga whakahaere a Te Kura Kaupapa Māori o Tupoho ki te whakatutuki i ngā hiahia o ngā ākonga mā te:

- waihanga hōtaka ako, hōtaka aromatawai e hāngai ana ki ngā horopaki motuhake a te kura e tutuki ai ngā manako o ngā ākonga
- whakawhitihiti kōrero me ngā ākonga i roto i ngā aromatawai kia tauutuutuhia ngā mōhioranga e puta ai ngā taunakitanga papai ā ngā ākonga, me te hāngai pū o aua taunakitanga ki te paerewa
- totoro ki ngā kaihora tarāwaho hei whakawhānui i ngā aheinga aromawatai
- taki aromatawai i te wā e rite ana te tamaiti
- tātu i ngā ākonga e tōmuri ana, e mate ā-ako ana kia tautoko mā te tono aromatawai hira
- whakauru haere ki ngā pae aromatawai o NZQA kia whānui ake te mōhiotia ki ngā pūnaha me ngā tukanga
- kimi ara huhua ki te kohi taunakitanga aromatawai hei whakatutuki i ngā hiahia o ngā ākonga

E taunga ana ngā pūnaha me ngā tukanga whakahaere a Te Kura Kaupapa Māori o Tupoho ki te:

- whakahaere i ngā aromatawai tōmuri, aromatawai mahue
- whakahaere i ngā aromatawai whakawhānui aheinga
- tūhura i ngā whakataunga aromatawai ka puta i ngā tono ā-ākonga
- whakamahi rautaki huhua noa ki te aroturuki i te tūturutanga o ngā mahi ā ngā ākonga
- kohi taunakitanga pono me te tika hei whakatūturu i ngā taunaki kī taurangi
- tautiaki i ngā kōrero matatapu ā ngā ākonga

Aromātairua tarāwhare, tarāwaho whai hua hei whakaū i te kounga o ngā aromatawai

E taunga ana ngā pūnaha me ngā tukanga whakahaere aromātairua tarāwhare a Te Kura Kaupapa Māori o Tupoho mā te:

- arohaehae i ngā tūmahi aromatawai i mua i te whakamahinga
- te whakapukapuka i ngā hātepe tukanga aromātairua tarāwhare
- arohaehae me te whakapukapuka i ngā tukanga aromātairua tarāwhare hei whakaū i te kounga o ngā whiwhinga i mua i te tuku ki a NZQA

E taunga ana ngā pūnaha me ngā tukanga whakahaere aromātairua tarāwaho a Te Kura Kaupapa Māori o Tupoho mā te:

- whakarite me te pupuru i ngā tauira mahi ā ngā ākonga kia mātua rite mai
- tīpako tauira mahi e ai ki ngā tikanga a NZQA
- urupare ki ngā putanga o te aromātairua tarāwaho me te hāpai i ngā kaiaromatawai i ngā wāhi whai hua
- arolutuki me te whakapukapuka i ngā hātepe ka whakatinanahia i runga anō i ngā whakahoki pitopito kōrero ā ngā kaiaromātairua tarāwaho
- whakamahi i ngā whakataunga aromātairua tarāwaho ki te aromātai i ngā hua o ngā tukanga aromātairua tarāwhare.

Whakahaerenga raraunga whai hua

E taunga ana a Te Kura Kaupapa Māori o Tupoho ki te whakamahi i ngā raraunga aromatawai hei tautoko i ngā whakataunga ā ngā ākonga mā te:

- aromātai i ngā hua o ngā hōtaka aromatawai kia mātua hāngai ki ngā hiahia o ngā ākonga, ngā whāinga, hei tohu i ngā panonitanga ki ngā hōtaka me ngā paerewa
- apoapo i te reo o te tamaiti hei take aromātai i ngā kaupapa ako me ngā aromatawai me tūpono me panoni, me whakahoropaki, me tīni aromatawai rānei
- tuku pūrongo ki Te Poari me ngā putanga NCEA hei huarahi whakamahere rautaki, whāinga, tutukinga.

E taunga ana a Te Kura Kaupapa Māori o Tupoho ki te tuku pūrongo raraunga whai hua mā te:

- tuku kōpae raraunga i ngā wā e tika ana
- titiro ki ngā hapa kei te Key Indicators me ngā pūrongo a NZQA
- whakauru wawe i ngā ākonga e whai ana i ngā whakamātautau tarāwaho, me ngā whiwhi tarāwhare kāore i whai whiwhinga
- tuku whiwhinga ki raro i te kaihora tika me te whai Whakaaetanga

Te pāhekoheko aromatawai whai hua hei huarahi whakamōhio i ngā kaiako, ngā ākonga me ngā whānau

E taunga ana ngā pūnaha me ngā tukanga whakahaere a Te Kura Kaupapa Māori o Tupoho ki te:

- whakaputa mōhiohio hāngai ki ngā aromatawai
- tuku puka mōhiohio ki ngā ākonga
- tuku hōtaka ako ka whāia e ngā ākonga
- tauawhi i ngā ākonga me te aromātai i ngā tutukinga
- tuari i ngā kaupapa here aromatawai o te wā ki ngā kaiako i te roanga ake o te tau
- whakarite huarahi e taea ai e ngā mātua ngā whiwhinga, ngā whanaketanga ā ngā ākonga te kitea mai
- tautoko i ngā kaiako hou ki te kura ki te whakawhanake i roto i ngā hōtaka a te kura, me te mārama ki ngā tukanga aromatawai a te kura, a NZQA hoki

He mea tautoko e Te Kura Kaupapa Māori o Tupoho i te māramatanga ki ngā tukanga aromatawai mā te:

- tuari i ngā pitopito kōrero aromatawai, i roto i ngā hui mātua, hui whānau me ngā huihuinga ākonga
- whakamōhio atu ki ngā ākonga ngā huarahi mātauranga e taea ana
- tautoko i ngā ākonga kia mārama ai ki ngā huarahi e ekea ai a angitū, e whai tohu ai ia

Appendix 2: Tirohanga Whānui

Tēnei Pūrongo

He pūrongo whakarāpopoto tēnei i te arotakenga a NZQA i Te Kura Kaupapa Māori o Tupoho ki te:

- whakaea i ngā take i tāutuhia i te arotake Pūnaha Whakahaere Aromatawai ā-Motu mā roto mai i tāna ake arotake tarāwhare
- whakahaere tikanga aromatawai mō te tohu ā-motu
- te whakahaere aromātairua tarāwhare, tarāwaho
- te whakamahi me te whakahaere i āna raraunga aromatawai
- te whakaū i ngā kaupapa here me ngā tikanga whakahaere, me te tuari ki ngā kaiako, ngā ākonga me ngā whānau.

He aha i arotakengia ai ngā pūnaha whakahaere aromatawai a te kura

Te take o Te Whakahaere Pūnaha Arotake ā-Motu:

- ki te whakaū i te kounga o ngā whakahaere a te kura, i runga anō i te pūrongo a Te Tari Arotake Mātauranga, me te hāngai ūna ki ngā tikanga o te Whakaaetanga ki te Aromatawai i ngā paerewa, e ai ki te Papatohu Paerewa Aromatawai 2011(Consent to Assess Against Standards on the Directory of Assessment Standards Rules 2011) me ana Whakahaerenga – (CAAS Guidelines) e āhei tonu ai te kura ki te aromatawai i ngā paerewa ā-motu mō ngā tau kei mua i a ia, ā,
- hei āwhina hoki kia tika ai, kia ūrite ai, kia pono ai ngā mahi aromatawai ā-roto, kia hāngai tonu ki ngā whakaritenga o ngā *Ture Whakahaere Aromatawai me ngā Whakamātautau mō ngā Kura Tuarua (Rules and Procedures)*.

Ngā tūmomo putanga e taea ana

Ngā tūmomo putanga a NZQA:

- te tāutu i te kounga o ngā tukanga arotake a te kura, āna tikanga whakahaere aromatawai me te kounga ki te whakaū i aua whakahaere
- te whakahau i te kura kia mātua tutuki ngā hei mahi me tūpono kāore i tatū ai ngā whakahaere ki ngā ture o te *Whakaaetanga ki te Aromatawai*
- te whakaae tahi me te kura ki ngā take ka tāutihia me tūpono ka hē kē atu ngā whakahaere
- te tohu i ngā mahi hei whakaroaro hei whakapakari ake i ngā tikanga aromatawai.

Ngā wāhanga o te arotake

E toru ngā wāhanga o tēnei arotake:

- te aromātairua tarāwaho ā-tau i te aromatawai tarāwhare a te kura
- te hihira ā-tau i ngā pūnaha aromatawai tautuhi
- te hihira ia rima tau i ngā pūnaha aromatawai a te kura

KUPU TAKA

| | |
|---|--|
| Arohaehae | critique, appraise |
| Aromātai | review |
| Aromatawai anō | further assessment opportunity |
| Aromatawai Hira | Special Assessment Conditions |
| Aromātairua ā-roto | internal moderation |
| Aromātairua ā-waho | external moderation |
| Aroturuki, aroturukihia | monitor, to monitor |
| E kitea atu ana | reflecting |
| Kaiaromātairua ā-waho | external moderation |
| Kaihautū | Manager |
| Kaiwhakahaere ā-Ture | Limited Statutory Manager |
| Kōnae raraunga | data file |
| Tumuaki Whakanaungatanga Kura | School Relationship Manager |
| Matakōrero | Secondary Qualification, circular record |
| Mauhanga | consequences |
| Mutunga iho | national practice |
| Ngā mahi papai e whakahaeretia ana ā-motu | strengths and weaknesses |
| Ngā pakaritanga me ngā ngoikoretanga | Numeracy |
| Ngā tohu tau | administration |
| Ngā Whakahaerenga Whakarite Hōtuku | enquiry (thinking) |
| Pakirehua | internal moderation cover sheet |
| Pepa aromatairua ā-roto | system |
| Pūnaha | version |
| Putanga | Data |
| Raraunga | Results data |
| Raraunga Whiwhinga | Literacy |
| Reo Matatini | Principal's Nominee |
| Takawaenga Wharekura | Plagiarism |
| Tārua Whānako | analyse, analysis |
| Tātari, tātarihia | assessment outline |
| Tauaki Aromatawai | statistics |
| Tatauranga | evidence |
| Taunaki | partial evidence |
| Taunaki Kohuku | identified, identify |
| Tāutuhia. tātu | Quality Assurance Process |
| Tukanga Whakaū Kounga | NQF |
| Te Anga Tohu Mātauranga o Aotearoa | random selection |
| Tipako tupurangi | background |
| Tuarongo | process |
| Tukanga | Internal Moderation Cover Sheet |
| Uhi Aromātairua ā-Roto | respond, response |
| Urupare, uruparetia | memorandum of understanding |
| Whakaaetanga | to file, file |
| Whakakōnae, kōnae | Standard Setting Body |
| Whakaruruahu | final decision |
| Whakatau whakamutunga | assure, verify, verification |
| Whakaū, whakaūtangahia | professional development |
| Whakawhanake ngaiotanga | results data analysis |
| Wetewete hōtuku whiwhinga | Derived Grades |
| Whiwhinga Tauawhi | Literacy and Numeracy credits |
| Whiwhinga tuhituhi, pānui, pāngarau | |